





Un gran artista cual talento por wordo compara cu e maestronan di renacimiento, ta carga banda di su curazon e dos emblema cu ta describi su persona como:



Polis cu alma di pintor

Roy Richardson no ta un pintor desconoci, pero si e mester wordo reconoci como un pintor cu ta expresa e realidad, un pintor cu ta plasma den cada cuadro e vitalidad di un escena, un expresion autentica di bida.

Ken ta Roy Richardson?

Un artista desconoci cu ta usa e 365 dia di aña pa pinta, no tin un dia cu no



ta pinta, p'e tur dia mester pinta, cualkier momento cu e tin liber e ta pinta y ademas e ta dedica un poco di tempo na planta su matanan, su verdura local y cushina, algun biaha haci escultura.

Roy a cumenza cu arte di pinta na un edad hopi trempan, for di su 5 of 6 aña ya caba e tabata pinta, despues el a bai lagere onderwijs y eynan e tempo cu frerenan tabata na Aruba, el a wordo descubri door di Frere Adriano kende a stimule pa sigui den arte di pintamento, di e forma aki el a cumenza pinta.

Algun tempo despues, el a bai Huize de la Salle unda cu su mayornan

tabata paga Alf. 5.00 pa e por a participa den e ensayo di arte di Frere Adriano, tempo despues el a bay La Salle College y a tuma les for di mr. Jack Van Veen y for di mr. Wouter Van Romondt.

E tabata bishita tur atardi Cas di Cultura cerca mr. Wouter Van Romondt, cu tabata un meneer di scol di colegio Arubano pero tempo despues e la bai Hulanda, e ora ey el a cumenza cu un curso por correspondencia di Feirmes Art School di Illinois pa un aña y mey, tambe tabata recibi conseho di Gustave Nouel y semper a sigui consulta cu revistanan di arte pa asina sigui yuda su mes.

